



UNIVERSITÄTS-
BIBLIOTHEK
PADERBORN

Stella Benedictina Sive Regula Sanctissimi Patris Nostri Benedicti

Meyenschein, Benedikt

Hildesii, 1725

VD18 10311831

LXIV. De ordinando Abbate. Fas est, Prælatuſ concorde ſit ore creatur,
Sobriuſ & prudens, ſuavè præeſſe ſtudent.

[urn:nbn:de:hbz:466:1-65028](https://nbn-resolving.org/urn:nbn:de:hbz:466:1-65028)

le *Juvenalis*: Credebant hoc grande nefas & morte piandum, si juvenis vetulo non assurrexerit.

l) Rom. 12.

m) Iterum pro *Et*.

n) Id est, cum debita modestiâ & compositione.

o) Seu teneant, inter se & separatim ab aliis.
Ex Bern. Cassin.

p) Id est, extra Oratorium & mensam, vel etiam Monasterium.

q) Eleganter pro ubique.

r) Seniorum scil. sibi deputatorum, juxta Bern. Cassin. imò & omnium aliorum, juxta lect. præced.

s) Activè; id est, maturiori judicio præditam.

20. APRIL. 20. AUG. 20. DECEMB.

CAPUT LXIV.

De ordinando Abbate.

In Abbatis ordinatione a illa semper consideretur ratio b, ut hic constituitur, quem sibi omnis concors c Congregatio secundum timorem Dei, sive etiam pars, quamvis parva d, Congregationis

Saniori *e* consilio elegerit. Vitæ autem merito *f* & sapientiæ doctrinâ eligatur, qui ordinandus est; etiam si ultimus fuerit *g* in ordine Congregationis. Quod si etiam omnis Congregatio vitiis suis [quod quidem absit] consentientem personam pari consilio elegerit, & vitia ipsa aliquatenus pervenerint *h* in notitiam Episcopi, ad cuius diœcesim pertinet locus ipse, vel Abbatibus aut vicinis Christianis claruerint *i*; prohibeant pravorum prævalere consensum, & domui Dei *l* dignum constituent dispensatorem *m*, scientes pro hoc se recepturos mercedem bonam, si illud castè *n* & zelo Dei faciant, sicut è diverso peccatum *o*, si negligant.

- a) *Seu electione.*
- b) *Hoc est, semper attendatur.*
- c) *Id est, tota unanimiter.*
- d) *Quod tamen in foro externo locum non habet, nisi probari possit, iniquam esse partis majoris electionem.*
- e) *Id est, meliori vel prudentiori.*
- f) *Hoc est, juxta meritum &c.*

g) Ex

- g) *Ex jure tamen habere debet annum ætatis saltè 25. inceptum.*
- h) *Verbum illud deest in plerisque impressis, præsertim antiquioribus; omissum fortè ex incuriâ Scriptorum vel Typothetarum, cum, eo omisso, vix ullus sit sensus.*
- i) *Sive innotuerint:*
- l) *Seu Monasterio, ut alibi explicatum.*
- m) *Sive administratorem.*
- n) *Id est, purâ, nec ullo vano respectu fœdatâ, intentione.*
- o) *Seu pœnam peccati, juxta phrasin familiarem Scripturæ.*

21. APRIL. 21. AUG. 21. DECEMB.

Ordinatus autem Abbas cogitet semper, quale onus suscepit, & cui rediturus est rationem villicationis suæ; sciâtque sibi oportere prodesse a magis, quàm præesse. Oportet ergo eum esse doctum lege! Divinâ b, ut sciât, unde proferat nova & vètera c; castum, sobrium, misericordem: & semper superexaltet misericordiam judicio d, ut idem ipse consequatur e. Oderit vitia, diligat Fratres. In ipsâ autem correptione
 pru-

prudenter agat, & nequid nimis; nè, vet
 dum nimis cupit eradere æruginem f, dia
 frangatur vas. Suamque fragilitatem eros
 semper suspectus sit g; memineritque h tem
 calamum i quassatum non conterendum. sup
 In quibus non dicimus, ut permittat nu- a)
 triri l vitia; sed prudenter & cum chari- b)
 tate ea amputet m, prout viderit cuique c)
 expedire, sicut jam diximus n: & stu- r
 deat plus amari o, quàm timeri. Non d
 fit turbulentus p & anxius q, non fit ni- c
 mius r & obstinatus s, non fit zeloty- st
 pus t & nimis suspiciosus; quia nun- d)
 quam requiescit u. In ipsis imperiis t
 suis fit providus & consideratus, sive 3
 secundum Deum, sive secundum sæculum c
 sint x. Opera, quæ injungit, discernat e)
 & temperet y, cogitans discretionem san- q
 cti Jacob dicentis z: Si greges meos plus f)
 in ambulando fecero laborare, morien- t
 tur cuncti unâ die. Hæc ergo aliâque g)
 testimonia aa discretionis Matris virtu- fi
 tum bb sumens, sic omnia temperet, ut h)
 sit, quod & fortes cupiant cc, & infirmi i)
 non refugiant. Et præcipuè dd, ut præ- I
 sentem Regulam in omnibus conser- r
 vet

vet ee; ut, dum bene ministraverit, au-
 diat à Domino, quod servus bonus, qui
 erogavit ff triticum confervis suis in
 tempore suo: Amen dico vobis, ait gg,
 super omnia bona sua constituet eum.

- a) *Maximè in Spiritualibus. Vid. c. 2.*
- b) *Id est, Scripturâ Sacrà.*
- c) *Hoc est; omnis generis documenta, suo-
 rum captui & statui accommoda: Siqui-
 dem Hebræi per hanc phrasin designant ne-
 cessaria quæque & utilia ad familiæ su-
 stentationem. Ex Hilar. August. Hier. &c.*
- d) *Id est, præponat clementiam rigori justi-
 tiæ. Plura impressa legunt cum Vulgatâ
 Jac. 2. Misericordia superexaltet judi-
 cium, id est, superior sit iudicio.*
- e) *Judicium enim finè misericordiâ illi,
 qui non facit misericordiam. ex loc. cit.*
- f) *Literaliter est rubigo aris; allegoricè au-
 tem vitia vel defectus.*
- g) *Magis latinè, suspectam habeat, vel con-
 sideret.*
- h) *Ex Isa. c. 42.*
- i) *Literaliter est culmus vel arundo; allego-
 ricè homo, corpore vel animo infirmus.*

l) *Seu*

- l) Seu invalescere, vel paulatim succrescere.
 m) Seu tollat, vel corrigat.
 n) Scil. c. 2.
 o) Ubi enim amor, ibi timor; & hic sine illo parum fructificat.
 p) Id est impetuosè agens vel loquens.
 q) Quasi ad omnia hærens, an liceant vel expediant.
 r) Smaragdo est idem, quod prodigus; revera autem hæc vox generalior est, ac denotans excessum qualibet in re vel modo.
 s) Seu pertinax in suâ sententiâ.
 t) Hic idem, quod habens zelum nimium vel indiscretum.
 u) Sive quieto est animo.
 x) Hoc est, sive concernant spiritualia, sive temporalia.
 y) Id est, bene expendat & moderetur secundum capacitatem operaturi.
 z) Gen. 33.
 aa) Seu argumenta vel motiva.
 bb) Discretio enim non tam virtus est, quàm quædam moderatrix & auriga virtutum. Tolle hanc, & virtus vitium erit, ait Doct̃or mellifluus.
 cc) Id est, ut fortes [tum animo, tum corpore]

re] habeant, quod cupiant, sive ut habeant causam cupiendi &c. Quem elegantem dicendi modum minus intelligentes alii mirè hîc variant lectionem.

dd) Subaudi ex sensu præced. sic omnia temperet; vel ex initio hujus lectionis, cogitet semper.

ee) Lectio planior, observet.

ff) Seu distribuit.

gg) Matth. 24. & Luc. 12.

22. APRIL. 22. AUG. 22. DECEMB.

CAPUT LXV.

De Præposito Monasterii.

Sæpius quidem contingit, ut per ordinationem Præpositi *a* scandala *b* gravia in Monasterio oriantur, dum *c* sint aliqui maligno spiritu superbiæ inflati, existimantes *d* se secundos Abbates esse, assumentes sibi tyrannidem, scandala nutriunt *e*, & dissensiones in Congregatione faciunt; & maximè in illis locis, ubi ab eodem Sacerdote *f* vel ab eisdem Abbatibus, qui Abbatem ordinant *g*, ab ipsis